

ԱԶԴԱՐԱՐ

ՏԵՐԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ԸՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Ժ. Տարի, Թիւ 427, Ուրբաթ, 09 ՄԱՐՏ, 2018

ՀԱՅԿԱԿԱՆ

Նախագահ Սերժ Սարգսեան Ընդունած է Լիոնի Քաղաքապետ Ժորժ Քեփենեկեանի Գլխաւորած Պատուիրակութիւնը

Նախագահ Սերժ Սարգսեանը Չորեքշաբթի օր ընդունած է պաշտօնական այցելութեամբ Երեւան գտնուող Լիոնի քաղաքապետ Ժորժ Քեփենեկեանի գլխաւորած պատուիրակութիւնը:

Ողջունելով Լիոնի քաղաքապետը եւ անոր ուղեկցող ներկայացուցչական պատուիրակութիւնը



Երեւանի մէջ՝ հանրապետութեան նախագահը հանդիպումին սկիզբը նախ շնորհաւորած է Ժորժ Քեփենեկեանը Լիոնի քաղաքապետի պաշտօնին ընտրուելու առիթով եւ մաղթած յաջողութիւն: Նախագահը ընդգծած է, որ Ֆրանսայի մէջ մեր հայրենակիցին յաջողութիւնները հայաստանցիները կը նկատեն նաեւ իրենցը այն պարզ պատճառով, որ անոնք հայ-ֆրանսական բարեկամութեան կարեւոր բաղկացուցիչն են:

Նախագահ Սարգսեան վստահութիւն յայտնած է, որ քաղաքապետը իր փորձն ու ունակութիւնները լաւագոյնս պիտի ծառայեցնէ ինչպէս Լիոնի եւ Երեւանի միջեւ յարաբերութիւններու սերտացման, այնպէս ալ հայ եւ ֆրանսացի ժողովուրդներու բարեկամութեան ամրապնդման գործին:

Անդրադառնալով առանձնաշնորհեալ նկատուող բարձր մակարդակի հայ-ֆրանսական յարաբերութիւններուն՝ նախագահը ընդգծած է, որ բարեկամութիւնը սահմաններ չունի, եւ երկու երկիրները միշտ պարտաւոր են ընդարձակել համագործակցութիւնը եւ տարուէ-տարի ամրապնդել յարաբերութիւնները:

Լիոնի քաղաքապետ Ժորժ Քեփենեկեան շնորհակալութիւն յայտնած է նախագահին շնորհաւորանքի եւ բարեմաղթանքներուն համար: Քաղաքապետը նշած է, որ իր գլխաւորած պատուիրակութեան կազմին մէջ ներգրաւած է տարբեր ոլորտներու փորձառու մասնագէտներ, որոնց օգնութեամբ յոյս ունի բազմաբնոյթ համագործակցութիւն ծաւալել Հայաստանի մէջ՝ այդպիսով փոխյարաբերութիւններու նոր էջ բանալով ինչպէս Երեւանի եւ Լիոնի, այնպէս ալ երկու բարեկամ երկիրներուն միջեւ: Լիոնի քաղաքապետը գոհունակութեամբ խօսած է այցելութեան շրջագիծին մէջ ունեցած արգասաբեր հանդիպումներուն եւ շարք մը ոլորտներու մէջ արդէն իսկ ձեռք բերուած համագործակցութեան պայմանաւորուածութիւններու մասին:

Ռուստամեան. «Հետեւողական Պիտի Ըլլանք»

Չորեքշաբթի օր Հայաստանի Ազգային ժողովի արտահերթ նիստին ընթացքին քուէարկութեան դրուեցաւ կառավարութեան կողմէ ներկայացուած «Տնտեսական մրցակցութեան պաշտպանութեան մասին» Հայաստանի Հանրապետութեան օրէնքին մէջ լրացումներ եւ փոփոխութիւններ կատարելու հարցը:

Վարման կարգով ելոյթ ունեցաւ Ազգային ժողովի ՀՅԴ խմբակցութեան ղեկավար Արմէն Ռուստամեան, որ նշեց, թէ ՀՅԴ-ն կողմ պիտի քուէարկէ այն պայմանով, որ առաջինէն երկրորդ ընթերցում ժամանակահատուածին մէջ իրենց առաջարկը անգամ մը եւս քննարկուի յանձնախումբին կողմէ:

«Այդ մասին խօսած ենք յանձնախումբին: Մեր հետեւողական մօտեցումն է, որ այսպիսի յանձնախումբերու մէջ պէտք է քաղաքական ուժերը իրենց առաջարկները կատարելու փուլին մասնակցութիւն ունենան, յատկապէս, ընդդիմութեան վերապահուի այդպիսի առիթ: Մենք այդ առաջարկը պիտի քննարկենք առաջինէն երկրորդ ընթերցումով, կ'անկնկալենք, որ այդ քննարկումը տեղի կ'ունենայ եւ այս հարցին լուծման կ'անդրադառնանք առաջինէն երկրորդ ընթերցումի ընթացքին: Այդ հարցը բարձրացուցած է նաեւ մեր ներկայացուցիչը յանձնախումբի նիստին ժամանակ», ըսաւ Ռուստամեան:

Նշենք, որ ըստ նախագիծին, Տնտեսական մրցակցութեան պաշտպանութեան յանձնախումբը, Հայաստանի Հանրապետութեան սահմանադրութեան փոփոխութիւններուն համաձայն, կը դառնայ ինքնավար մարմին, որուն անդամները ձայներու մեծամասնութեամբ կը նշանակէ Հայաստանի Հանրապետութեան Ազգային ժողովը վարչապետին առաջարկով:

Տեղեկացնենք, որ ՀՅԴ-ն կ'առաջարկէ, որ ինքնավար մարմինի անդամներու առաջադրումը վերապահուի Ազգային ժողովին կողմէ ձեւաւորուելիք մրցութային յանձնախումբին, որուն մասնակից կրնան դառնալ Հայաստանի Ազգային ժողովի ընդդիմադիր խմբակցութիւնները, Գործարարներու միութիւնը եւ այլն:

Աւելցնենք, որ ՀՅԴ Բիւրոյի տնտեսական հետազօտութիւններու գրասենեակին կողմէ Հայաստանի Ազգային ժողով ներկայացուած է Տնտեսական մրցակցութեան պաշտպանութեան օրէնքի նախագիծին վերաբերեալ առաջարկներու ծրար մը:

Հայաստան – Միացեալ Նահանգներ Բարեկամական Խումբը Հանդիպում Ունեցած Է Քոնկրետի Հայկական Հարցերով Յանձնախումբին Հետ

Միացեալ Նահանգներ կատարած այցելութեան ծիրին մէջ Հայաստան-Միացեալ Նահանգներ բարեկամական խումբի անդամները հանդիպում ունեցած են Քոնկրետի հայկական հարցերով յանձնախումբի անդամներուն հետ: Հանդիպումին ընթացքին պատուիրակութեան անդամները քննարկած են «Հազարամեակի մարտահրաւեր ընկերակցութեան» եւ Հայաստանի միջուկ համագործակցութեան հեռանկարները, Հայաստանի մէջ տիրող իրավիճակը, ինչպէս նաեւ՝ հայ-ամերիկեան յարաբերութիւններու օրակարգը: Միեւնոյն ժամանակ անդրադարձ կատարուած է Հայաստանի մէջ վերջերս տեղի ունեցող զարգացումներուն, յատկապէս՝

խորհրդարանական կառավարման համակարգին անցման, ինչպես նաև՝ Հայաստան-Եւրոպական Միութիւն համաձայնագիրին:

Հայաստանի Հանրապետութեան Ազգային ժողովի փոխնախագահ, Հայաստան-Միացեալ Նահանգներ բարեկամական խումբի ղեկավար Արփինէ Յովհաննիսեան նաև հանդիպում ունեցած է Միացեալ Նահանգներու Միջազգային զարգացման գործակալութեան Եւրոպայի եւ Եւրասիոյ գրասենեակի տնօրէնի փոխտեղակալ Կրեթչեն Պիրքլի հետ: Հանդիպումին անդրադարձ կատարուած է Միջազգային զարգացման գործակալութեան կողմէ Հայաստանի



մէջ իրականացած եւ իրականացուող ծրագիրներու կարելորութեան: Քննարկուած են տեղեկատուական արհեստագիտութիւններու, զբօսաշրջութեան, վերականգնող ուժանիւթի եւ այլ ոլորտներու մէջ համագործակցութեան հեռանկարները: Երկուստեք կարելոր նկատուած են նաև համագործակցութեան նոր ձեւաչափը, յատկապէս օժանդակութենէն անցումը դէպի առեւտրական յարաբերութիւններու:

«ԵԱՀԿ-ի Գործող Նախագահի Անձնական Ներկայացուցիչի Գրասենեակի Ընդլայնումը Պիտի Նպաստէ Շփման Գիծին Մէջ Լարուածութեան Նուազեցման» Կ'ըսէ Շոֆըր

Լեռնային Ղարաբաղի տագնապը զինուորական ճամբով լուծում չունի: Այս մասին ազրպէյճանական «Թրենտ» լրատու գործակալութեան տուած հարցազրոյցի մը մէջ ըսած է ԵԱՀԿ-ի Մինսքի խմբակի ամերիկացի համանախագահ Էնտրիւ Շոֆըր:

Ան ընդգծած է, որ Միացեալ Նահանգներ կ'աջակցին Լեռնային Ղարաբաղի տագնապի բանակցային հոլովոյթին եւ իբրև ԵԱՀԿ-ի Մինսքի խմբակի համանախագահ պիտի շարունակեն աշխուժօրէն համագործակցիլ Հայաստանի եւ Ազրպէյճանի հետ:

«Մենք համոզուած ենք, որ ներկայ սթաթիւս քոն չի կրնար պահպանուիլ երկարաժամկետ հեռանկարի մէջ եւ որ տագնապի լուծման զինուորական ճամբայ գոյութիւն չունի», նշած է ան:

Շոֆրի համաձայն, Ժընևի մեջ Հայաստանի եւ Ագրպէճանի նախագահներու վճռականութիւնը՝ աշխուժացնելու հոլովոյթը եւ լրացուցիչ քայլերու ձեռնարկելու լարուածութեան նուազեցման ուղղութեամբ, կ'արտացոլացնէ այդ իրողութիւնը:

Ընդգծելով, որ Միացեալ Նահանգներ՝ իբրեւ համանախագահող երկիր, յանձնառու են ԵԱՀԿ-ի Մինսքի խմբակի ծիրին մէջ բանակցային հոլովոյթին, Շոֆրը նշած է, որ համանախագահները պատրաստ են աշխատելու կողմերուն հետ որեւէ ձեւաչափով, որ կը նպաստէ երկարաժամկէտ լուծման:



Անդրադառնալով ԵԱՀԿ-ի գործող նախագահի անձնական ներկայացուցիչի գրասենեակի ընդլայնումին՝ Շոֆրը նշած է, որ այդ քայլը շփման գիծի երկայնքին լարուածութեան նուազեցման համար միջոցներու ձեռնարկելու կողմերու յանձնառութեան վկայութիւնը պիտի դառնայ:

Ամերիկացի համանախագահին համաձայն, բանակցային հոլովոյթին մէջ դրական յառաջընթացի արձանագրութեան համար անհրաժեշտ են թէ՛ կողմերու, թէ՛ ալ համանախագահներու եւ միջազգային ընտանիքի երկարատեւ անկեղծ ջանքերը, ինչ որ տազնապի կողմերէն պիտի պահանջէ դժուար որոշումներու կայացում:

Ինչ կը վերաբերի շրջան հերթական այցելութեան թուականին, ան նշած է, որ Մինսքի խմբակի համանախագահները այժմ չունին այդ առնչութեամբ որոշակի ժամանակացոյց, սակայն կը շարունակեն կողմերուն հետ իրենց խորհրդակցութիւնները՝ հաշուի առնելով շրջանին մէջ ընտրութիւններու ընթացիկ շրջանը:

Զախարովան՝ Հայ-Թրքական Արձանագրութիւններու Զեղեալ Նկատուելու Որոշումին Մասին



Ռուսիան կը հիմնուի Հայաստանի եւ Թուրքիոյ յարաբերութիւններու կարգաւորումին կարեւորութեան վրայ՝ ի շահ երկու երկիրներուն: Այս մասին մամուլոյ ասուլիսի ընթացքին յայտարարած է Ռուսիոյ արտաքին գործոց նախարարութեան բանբեր Մարիա Զախարովա՝ մեկնաբանելով հայ-թրքական արձանագրութիւններու ջնջման մասին որոշումը:

«Ռուսական պատուիրակութիւնը եղած է Յիւրիիսի մէջ եւ աշխուժ մասնակցութիւն ունեցած այդ արձանագրութիւններու նախապատրաստութեան հոլովոյթին մէջ: Մենք գնահատական տուած ենք այդ արձանագրութիւններուն, որոնք կը շարունակեն այժմեական ըլլալ: Մենք կը հիմնուինք Հայաստանի եւ Թուրքիոյ յարաբերութիւններու կարգաւորումին կարեւորութեան վրայ՝ ի շահ երկու երկիրներուն: Մեր կողմէ մենք ամէն բան ըրած ենք ճիշդ այդ նպատակին հասնելու համար», ըսած է Զախարովա:

ՄԻՋԱԶԳԱՅԻՆ

ՄԱԿ-ի Ապահովության Խորհուրդը Մտահոգություն Կը Ցայտնէ Արեւելեան Ղութայի Հարցով

ՄԱԿ-ի Ապահովության Խորհուրդը Չորեքշաբթի օր Արեւելեան Ղութայի հարցով դռնփակ նիստ մը գումարելով «Սուրիոյ մէջ մարդասիրական կացութեան նկատմամբ մտահոգութիւն յայտնեց»՝ կոչ ուղղելով «յարգելու զինադադարի իր որոշումը»:

Ապահովության Խորհուրդի նախագահը նիստի ասարտին յայտնեց. «Խորհուրդը առնչակից բոլոր կողմերուն կոչ կ'ուղղէ՝ յարգելու Արեւելեան Ղութա մարդասիրական օժանդակութիւններ հասցնելու վերաբերեալ իր թիւ 2401 որոշումը»:

Փութին Եւ Էրտողան Քննարկած Են Սուրիոյ Իրավիճակը

Ռուսիոյ նախագահ Վլատիմիր Փութին եւ Թուրքիոյ նախագահ Ռեճեփ Թայիփ Էրտողան հեռաձայնային հաղորդակցութիւն ունեցած են Սուրիոյ մէջ տիրող իրավիճակին շուրջ: Այս մասին կը հաղորդէ թրքական «Հիւրրիէթ» օրաթերթը:

Հեռաձայնային հաղորդակցութեան առանցքային նիւթը եղած է Արեւելեան Ղութայի մէջ մարդասիրական ճգնաժամը:

Երկու երկիրներու ղեկավարները ընդգծած են ՄԱԿ-ի Ապահովության Խորհուրդին կողմէ միամտեայ զինադադարի պահպանման կարեւորութիւնը՝ տեղոյն բնակչութեան մարդասիրական օժանդակութիւն հասցնելը ապահովելու համար: Երկու նախագահները նաեւ խօսած են թրքական բանակի՝ Աֆրինի դէմ շարունակուող «Ձիթենիի ճիւղ» զինուորական գործողութեան մասին:

Սուրիոյ Հարցով Ռուսիա-Իրան-Թուրքիա Եռակողմ Վեհաժողովը՝ 4 Ապրիլին

Սուրիոյ հարցով Պոլսոյ մէջ նախատեսուած Ռուսիա-Իրան-Թուրքիա եռակողմ վեհաժողովը տեղի պիտի ունենայ 4 ապրիլին: Այս մասին կը հաղորդէ թրքական «Թի24» կայքը:

Կը նշուի, որ Ռուսիոյ նախագահ Վլատիմիր Փութին Պոլիս պիտի հասնի աւելի կանուխ՝ 3 ապրիլին, եւ նախ պիտի մասնակցի ռուս-թրքական բարձր մակարդակի համագործակցութեան Խորհուրդի նիստին:

4 ապրիլին տեղի ունենալիք եռակողմ հանդիպումին ներկայ պիտի գտնուի նաեւ Իրանի իսլամական հանրապետութեան նախագահ Հասան Ռուհանի:

Սուրիոյ մէջ ներկայ դրութեամբ տէ ֆաքթօ զինադադար կը պահպանուի 5000 քառակուսի քիլոմէթր տարածք ներառող անվտանգութեան գօտիներուն մէջ, որոնք ստեղծուած են նախապէս Ասթանայի մէջ Թուրքիոյ, Իրանի եւ Ռուսիոյ միջեւ ձեռք բերուած համաձայնութեան ծիրին մէջ:

ՄԿՆԱՐԿ

Իրաւահաւասարութիւն (Կիներու Միջազգային Օրուան Առիթով)

Կիներու միջազգային օրուան նշումը եզրաբանական ձեւափոխում կ'ունենայ հետզհետէ: Կիներու իրաւունքներու պաշտպանութեան կարգախօսային առաջադրանքը այսօր առաւելաբար կ'արտայայտուի սեռային իրաւահաւասարութիւն եզրոյթով:

Շահագործումի, խտրականութեան, խոշտանգումի կամ բռնաբարումի արարքները իրաւագրկելու առումով կրնան վերաբերիլ ո՛չ միայն կիներուն, հետեւաբար աւելի տրամաբանական ընկալում ունի սեռային իրաւահաւասարութիւն ըսելաձեւը:

Իրաւահաւասարութիւն բառը ինքնին օրինական ենթաիմաստ ունի: Առաջադրանքը ուրեմն այս հաւասարութիւնը սահմանադրութեամբ եւ օրէնքներով ամրագրելու իմաստը կը ներառէ: Իսկ իրաւական ամրագրումէն ետք հաւասարութիւնը չյարգելը, խտրականութիւն կիրարկելը կամ սեռի պատկանելիութեան հիման վրայ վերաբերումներ ճշդելը հանրային կենցաղային խնդիրներու մէջ կը նկատուի օրինախախտում:

Եթէ մէկ կողմէ տուեալ պետութեան սահմանադրութիւնը կը խօսի բոլոր քաղաքացիներու իրաւահաւասարութեան եւ քաղաքացիի իրաւունքներուն մասին, այդ պարագային ինչո՞ւ կ'առանձնանայ սեռերու միջեւ իրաւահաւասարութիւնը ընդգծող յատուկ սահմանադրական յօդուածը:

Տակաւին սուր կերպով խնդիր կայ: Կիները համաշխարհային մակարդակի վրայ կը դիմագրաւեն արական սեռին հետ յարաբերակցաբար հաւասար իրաւունքներ չունենալու կացութիւնը:

Տրուած ըլլալով, որ տարին յոբելենական է, արժէ անպայման վերյիշել, որ Հայաստանի Հանրապետութիւնը հարիւր տարի առաջ դարձաւ աշխարհի մէջ առաջին երկիրը, որ կիներուն շնորհեց ընտրելու եւ ընտրուելու համահաւասար իրաւունք: Այս հանգամանքը յոբելեանին առիթով կազմակերպուելիք միջազգային գիտաժողովներուն անպայման լոյսին կու գայ եւ հարցի արծարծման միջազգային հնչեղութիւնը նկատի ունենալով մեր երկրի վարկին կարելորդ առաւելներ կ'ապահովէ:


Այժմ, Երեւանի մէջ հրապարակուած է կիներու եւ տղամարդոց հաւասար իրաւունքներուն վերաբերող ռազմավարութեան նախագիծը, որ կը ներկայացուի կառավարութեան: Վիճակագրական տուեալներով կը ներկայացուի համապատկերը, որուն հիման վրայ կը մշակուին օրէնքներ եւ կը ձեռնարկուին կառավարական համապատասխան ծրագիրներ՝ գործադրելու համար իրաւահաւասարութիւնը:



Լիբանանահայ համայնքին մեջ եւս հարցը կը մնայ արժարժ, այնքան աստէն որ կարծրատիպեր եւ անոնցմէ բխած դժուարութիւններ, որոշ սահմանափակումներ կան այս մարզին մէջ:

Բայց ծրագիրներ մշակելէ առաջ վիճակագրութիւնը անհրաժեշտ է: Համալիբանանեան մակարդակի վրայ մասնագիտական վիճակագրութիւններ կան սեռային իրաւահաւասարութեան մասին: Լիբանանահայ համայնքին պարագային մեզի կը պակսին տուեալները:

Մեր ընթերցողները հաւանաբար նկատեցին, որ «Ագդակ»-ի «Քննական ուսպնեակ» խմբակը այս մասին հրատարակեց յօդուածներու շարք մը: Իրազեկութիւն ապահովելու մղումով «Ագդակ»-ի էջերը հարցը արժարժեցին կարելի համակողմանիութեամբ: Կը հետեւի վիճակագրութիւն պատրաստելու ծրագրի գործադրութիւնը: Շրթայական այս քայլերը կը համալրուին տարբեր ուղղութիւններով աշխատելու քննարկումներով եւ այդ մտածումներուն հանրայնացումով:

Հայկական իրականութիւնը հայրենիքի մէջ թէ ընդհանրապէս հայկական աշխարհի, յառաջատար փաստեր պէտք է տայ սեռային իրաւահաւասարութեան գործնական իրականութեան:



  National Council For Culture Arts & Letters

The Embassy of the Republic of Armenia to the State of Kuwait in cooperation with the National Council for Culture, Arts and Letters has the pleasure to invite you to attend the concert of the Armenian State String Quartet

ARAM KHACHATURIAN

ARAM KHACHATURIAN STRING QUARTET was formed in 1982 by distinguished violist Zareh Sahakyan. After his death in 1985 quartet was led by Artashes Mkrtychyan. Quartet received wide recognition in USSR and was invited to several festivals. Since then quartet traveled in CIS countries, USA, Europe, Middle East, Africa. From 2004 violist Vache Hoveyan reforms the group and leads it up today. Khachaturian quartet participated in all major festivals in Armenia and abroad.

Friday, March 9, 2018, 7:00 p.m.,
Abdul Hussain Abdulredha Theatre-Salmiya.
R.S.V.P. 25322175

* Mery Margaryan 1st violin
* Hayk Vardanyan 2nd violin
* Aram Talalyan cello
* Vache Hovhannisyan viola

Program - L.V. Beethoven, Komitas, Vard Manoukian, Astor Piazzolla, Carlos Gardel



Գրական Երեկոյ

Նուիրում

ՄԻԱՎՔ ՄԵԾԱՐԵՆՑԻ

Մահուան 110 Ամեակին



Հովանատրութեամբ՝

Թեմիս Բարեջան Առաջնորդ

Գերայ. Տ. Մատիս Ծ. Վրդ. Զօպոյեանի

Կազմակերպութեամբ՝

Համազգայինի Քուլթի Մեկուսի Կազմի

Գրական-Դատարարական Ցանձնախումբին

Տեղի կ'ունենայ Հինգշաբթի, 15 Մարտ 2018 ին, երեկոյեան ժամը 8:30 ին,
Սրբոց Վարդանանց եկեղեցոյ սրահին մէջ, Քուլթ

Սիրով կը հրատիրենք զրաւսը համարութիւնը

ԱՆՆՈՒՄԱՐԸ

Պոլսահայությունը Աւելին Կը Սպասէ

20-23 փետրուար տեղի ունեցաւ Հայաստանեայց առաքելական եկեղեցւոյ Գերագոյն հոգեւոր խորհուրդի ժողովը՝ Ամենայն Հայոց Գարեգին Բ. կաթողիկոսին նախագահութեամբ: Ժողովէն ետք Գերագոյն հոգեւոր խորհուրդը յայտարարութիւն մը հրապարակեց Պոլսոյ հայոց պատրիարքական ընտրութեան վերաբերող նորագոյն զարգացումներուն շուրջ*:



Կ'արժէ կեդրոնանալ յայտարարութեան մէջ տեղ գտած հետեւեալ երկու կէտերուն վրայ.

Առաջին. յայտարարութեան մէջ կ'ըսուի. «Մեր ակնկալութիւնն է թրքական իշխանութիւններէն, որ ընդառաջեն հայոց պատրիարքի ընտրութիւններու կազմակերպման առումով հայ համայնքին արդար պահանջին»: Աւելորդ են Գերագոյն հոգեւոր խորհուրդին դրած յոյսերն ու ակնկալութիւնները թրքական ներկայ իշխանութիւններուն վրայ, որոնք գլխաւորուած են Էրտողանի կամ «21-րդ դարու սուլթան Ապտիւլ Համիտ»-ին կողմէ, որուն քաղաքականութիւնները հիմնուած են Հայոց ցեղասպանութեան ժխտումի, խօսքի ազատութենէ զրկումի, ընդդիմադիր խորհրդարանականներու եւ լրագրողներու բանտարկութեան եւ արտաքին ռազմական միջամտութիւններու վրայ:

Ինչպէ՞ս դրական բան մը կ'ակնկալուի այդպիսի պետութենէ մը, որ համամարդկային նուազագոյն արժէքներն ու ՄԱԿ-ի որոշումները չի յարգեր:

Երկրորդ. յայտարարութիւնը սփիւռքահայութեան զսպուածութեան ուղերձ կը յղէ՝ ըսելով. «Հանդարտութեան հրաւեր կ'ուղղենք նաեւ աշխարհասփիւռ մեր ժողովուրդին՝ ողջախոհութեամբ եւ զսպուածութեամբ առիթ ընձեռելու Պոլսոյ աթոռին՝ յաղթահարելու ստեղծուած կացութիւնը»: Սփիւռքահայութիւնը միշտ հետաքրքրուած է եւ նեցուկ կանգնած պոլսահայութեան քաղաքական, մշակութային եւ կրօնական իրաւունքներուն: Սփիւռքահայուն «հանդարտութեան», «ողջախոհութեան» եւ «զսպուածութեան» ուղերձ յղել՝ կը նշանակէ անտեսել զայն...

ՆԱԹԱՆ ՊԵՏՐՈՍԵԱՆ

WWW.AZTARAR.COM

ԼՈՒՐԵՐ ԳԱՂՈՒԹՆԵՐԷՆ

ՀՅԴ Պատուիրակություն Մը Այցելեց Լիբանանի Նոր Հիւպատոսին

23 փետրուարին ՀՅԴ Արեւմտեան Ամերիկայի Կեդրոնական կոմիտէն ներկայացնող պատուիրակութիւն մը՝ Տարօն Տէր Խաչատուրեանի, Թորոս Քէչեճեանի եւ Գարօ Խանճեանի մասնակցութեամբ, պաշտօնական այցելութիւն տուաւ Լոս Անճելըսի մէջ գործող լիբանանեան հիւպատոսարանի նոր ղեկավարին՝ գլխաւոր հիւպատոս Միրնա Խաուլիին:

ՀՅԴ Արեւմտեան Ամերիկայի Կեդրոնական կոմիտէի ներկայացուցիչ Տարօն Տէր Խաչատուրեանը յաջողութիւն մաղթեց Միրնա Խաուլիին եւ անոր յայտնեց կուսակցութեան պատրաստակամութիւնը՝ համագործակցելու ընդհանրական հարցերու մէջ:

Որմանկարներու Օծում, Գրադարան-Թանգարանի Բացում, Նաեւ՝ ՀՕՄ-ի Ննջեցեալներուն, Սումկայիթի Զոհերու Եւ Արցախի Նահատակներուն Յիշատակին Հոգեհանգիստ

25 փետրուարին Մոնթեպելլոյի Ս. Խաչ մայր եկեղեցոյ մէջ մատուցուեցաւ Ս. պատարագ, որուն աւարտին թեմի առաջնորդ Մուշեղ արք. Մարտիրոսեանը կատարեց եկեղեցոյ աջակողմեան ու ձախակողմեան որմանկարներու օծումն ու օրհնութիւնը եւ բացման արարողութիւնը՝ հոգելոյս Սմբատ արք. Լափաճեանի յիշատակին կառուցուած գրադարան-թանգարանին:



Առաջնորդ սրբազանը օրհնեց բոլոր անոնք, որոնք տարիներու ընթացքին ներդրում ու վաստակ ունեցած են սոյն եկեղեցոյ ծաղկումին ու բարեփոխման մէջ՝ յորդորելով ծխական համայնքը, որ լծուի համայնքի յառաջդիմութեան ու ծաղկման աշխատանքին: Ան կոչ ուղղեց ծնողներուն, որպէսզի իրենց զաւակները առաջնորդեն եկեղեցի, Կիրակնօրեայ դպրոց եւ մեր ազգային կեանքին մէջ գործող միութիւններ, մանկութեան օրերէն իսկ անոնց մէջ խորացնեն ազգային գիտակցութիւնը, որպէսզի անոր կառչած մնան իրենց կեանքի տեւողութեան, նաեւ՝ պատանիներուն եւ երիտասարդներուն թելադրեց, հետեւին երեցներու խրատներուն եւ մասնակից ըլլան եկեղեցոյ ու հայութեան հաւաքական կեանքին՝ իրենց հոգին ու միտքը սնուցանելով երեց սերունդի իմաստութեամբ ու թելադրանքներով:

Պատարագի աւարտին, ինչպէս՝ թեմի բոլոր եկեղեցիներուն մէջ, նոյնպէս Ս. Խաչ մայր եկեղեցոյ մէջ մատուցուեցաւ հոգեհանգստեան պաշտօն՝ ՀՕՄ-ի ննջեցեալ ծառայողներու եւ

բարերարներու հոգիներու խաղաղութեան համար, ինչպէս նաեւ՝ Սումկայիթի գոհերուն եւ արցախեան ինքնապաշտպանութեան մարտերուն ինկած նահատակներուն համար:

Պատարագի աւարտին եկեղեցոյ «Բաղրամեան» սրահին մէջ տեղի ունեցաւ սիրոյ սեղան, որուն ընթացքին խօսք առին՝ հոգաբարձութեան ատենապետ Գոհար Կապրիէլը, բարերար Մայքըլ Թումանեանը, հոգեւոր տեսուչ Միւռոն ծ. վրդ. Ազնիկեանը եւ առաջնորդ սրբազանը: Գործադրուեցաւ նաեւ գեղարուեստական յայտագիր:

Հալէպի Մէջ Գումարուեցաւ Հայաստանի Ա. Հանրապետութեան 100-ամեակի Կեդրոնական Մարմինի Անդրանիկ Նիստը

23 փետրուարին Հալէպի Ս. Աստուածածին եկեղեցոյ ներքնասրահին մէջ Հայաստանի Ա. Հանրապետութեան հիմնադրութեան 100-ամեակի Կեդրոնական մարմինը խորհրդակցական նիստ մը գումարեց: Նիստին իրենց մասնակցութիւնը բերին Սուրիոյ մէջ Հայաստանի դեսպան դոկտ. Արշակ Փոլատեանը եւ Հալէպի մէջ գլխաւոր հիւպատոս Արմէն Սարգսեանը:

Բերիոյ հայոց թեմի առաջնորդ Շահան արք. Սարգիսեանը բարի գալուստի իր խօսքին մէջ ընդգծեց Հայաստանի Ա. Հանրապետութեան 100-ամեակին համահայկական նշանակութիւնը եւ հայութեան գոյատեւումին մէջ անոր ունեցած կեդրոնական կարեւորութիւնը: Սրբազանը



ներկայացուց նիստի գումարումին նպատակը եւ հրաւիրեց յառաջացնել Հայաստանի Ա. Հանրապետութեան 100-ամեակի սուրիահայ գործադիր յանձնախումբ մը, որպէսզի համակարգուած ու ներդաշնակ կերպով իրականացունեն բոլոր ծրագիրները:

Դեսպան Փոլատեանը իր կարգին ողջունեց սուրիահայութիւնը եւ ներկայացուց Դամասկոսի ներկայ տագնապալի իրավիճակը, ապա անդրադարձաւ Հայաստանի Ա. Հանրապետութեան 100-ամեակի ձեռնարկները միասնաբար ծրագրելու եւ իրականացնելու անհրաժեշտութեան:

Այնուհետեւ ժողովականները ներկայացուցին իրենց պատկերացումներն ու առաջարկները:

Սուսկայիթի Չոհերու Յիշատակի Նշում

25 փետրուարին Պրիսպելի Ս. Մարիամ Մագդաղենացի հայկական եկեղեցւոյ մէջ տեղի ունեցաւ 1988-ի Սուսկայիթի զոհերու յիշատակին նուիրուած հոգեհանգստեան պաշտօն:

Պատարագէն ետք Հայոց ցեղասպանութեան զոհերու յիշատակին նուիրուած խաչքար-յուշարձանին մօտ տեղի ունեցաւ հանրահաւաք, որուն յաջորդեց ծաղկեպսակներու զետեղում:

Նախաձեռնութեամբ Վրաստանի մէջ Հայաստանի դեսպանութեան եւ վիրահայոց թեմին, 28 փետրուարին Թիֆլիսի մէջ նշուեցաւ Սուսկայիթի նահատակներուն յիշատակը:

Արդարեւ, Ս. Էջմիածին եկեղեցւոյ մէջ կատարուեցաւ հոգեհանգստեան պաշտօն, որմէ ետք

«Հայարտուն» կրթամշակութային կեդրոնին մէջ տեղի ունեցաւ յիշատակի երեկոյ:



Վիրահայոց թեմի մշակոյթի բաժնի տնօրէն եւ «Հայարտուն» կեդրոնի ղեկավար Լեւոն Չիդիլեան հրաւիրեց ներկաները մէկ վայրկեան լռութեամբ յարգելու զոհերուն յիշատակը:

Հայաստանի դեսպան Ռուբէն Սադոյեան ելոյթ ունենալով՝ անդրադարձաւ Ազրպէյճանի

իշխանութիւններուն կողմէ հայ ժողովուրդը բնաջնջելու եւ Երեւանը ազրպէյճանական հող անուանելու պետական քաղաքականութեան, աւելցնելով, որ Սուսկայիթի ոճրագործութիւնը անգամ մը եւս ապացուցեց, որ Արցախը ոչ մէկ ձեւով եւ կարգավիճակով կրնայ Ազրպէյճանին մաս կազմել:

Ելոյթ ունեցան փրոֆ. Էոնեսթ Առաքելովը, Վրաստանի հայ համայնքի հասարակական կազմակերպութեան մամլոյ խօսնակ Սանտրօ Օհանեանը, նաեւ՝ այլ անձնաւորութիւններ, որոնք անդրադարձան սուսկայիթեան ջարդերէն ետք զարգացող իրադարձութիւններուն՝ դատապարտելով սուսկայիթեան ոճրագործութիւնը եւ զայն որակելով հայ ժողովուրդի դէմ կատարուած ցեղասպանութիւն:



Ձեռնարկին ընթացքին գործադրուեցաւ գեղարուեստական յայտագիր: Յուցադրուեցաւ նաեւ Սուսկայիթի ջարդերը ներկայացնող վաւերագրական ժապաւէնէն հատուածներ:

ԱՅԼԱԶԱՆ

Կիներու Միջազգային Օր

Այս օրուան հետ առնչուող առաջին պատմական իրադարձութիւնը տեղի ունեցաւ 1908-ին, երբ Եւրոպայի քան 1500 կիներ ցուցատախտակներ պարզած՝ տողանցեցին Նիւ Եորքի փողոցներուն մէջ՝ բողոքելու համար իրենց ցած աշխատավարձին եւ աշխատանքի ծանր պայմաններուն դէմ:

Ժամանակ մը այս օրը նշուած է փետրուարի վերջին կիրակին, բայց 1977-ին ՄԱԿ-ը Մարտ8-ը հռչակեց «Կիներու իրաւունքներու միջազգային օր»:

Ամէն տարի մեծ թիւով երկիրներ յատուկ շուքով կը նշեն այս օրը՝ յիշեցնելով եւ պահանջելով, որ կինը տղամարդուն համահաւասար իրաւունքներ ունենայ: Այդ իրաւունքներէն յիշենք՝ քուէարկելու, աշխատելու, ուսում ստանալու, օրէնքին առջեւ հաւասար դատուելու, գործի մէջ արդար վարձատրուելու, սեռային խտրականութենէ զերծ մնալու եւ այլ իրաւունքներ:

– 1909-էն ի վեր, ամէն տարի Կիներու միջազգային օրը բնաբան մը կ'որդեգրէ. 2018-ինը հետեւեալն է՝ «Ժամանակը հասած է. գիւղերու եւ քաղաքներու գործիչները կը յեղաշրջեն կիներու կեանքը»:

– Ընդունուած սովորութիւն է Մարտ8-ին ծաղիկ կամ խորհրդանշական բան մը նուիրել կնոջ, մօր, քրոջ կամ աղջկան:

– Հայաստանի մէջ, Խորհրդային Միութեան փլուզումէն ետք, Մարտ8-ի սոնակատարութիւնները կորսնցուցին իրենց շուքը: Փոխարէնը՝ մեծ ժողովրդականութիւն գտած է «Գեղեցկութեան եւ մայրութեան օր»-ը, որ որպէս պետական սոն՝ կը նշուի ապրիլ 7-ին:

– Իտալիոյ, Ռուսիոյ, Ալպանիոյ մէջ սովորութիւն է դեղին միմոզա կամ տուրմ նուիրել կիներուն:

– Փորթուգալի մէջ կիները առանձին կը հաւաքուին եւ կերուխումի խնճոյքներ կը կազմակերպեն:

– Չինաստանի, Մատակասքարի եւ Նեփալի մէջ Մարտ8-ը արձակուրդի օր է միայն կիներուն համար:

– Տղամարդիկ եւս ունին իրենց միջազգային օրը, որ հաստատուած է 1997-ին եւ կը նշուի նոյեմբեր 19-ին:

Ցանկալի է, որ Կիներու միջազգային օրը ձեւականութիւններու սահմաններուն մէջ չմնայ, եւ աշխարհի բոլոր կիները տիրանան իրենց իրաւունքներուն:

www.aztagdaily.com

Ինչպե՞ս Օգնել, Որպեսզի Ան Խաղալիքները Հաւաքէ

Յաճախ ծնողք-գաւակ կը հակադրուին, երբ կարգը կու գայ սենեակը կոկելու եւ խաղալիքները հաւաքելու հարցին:

Պէտք է երեխային բացատրել, որ խաղալիքները հաւաքելը պատիժ չէ, այլ լաւ միջոց մը՝ աւելի ուշ զանոնք գտնելու եւ կրկին խաղալու:



Ահաւասիկ՝ պարզ հնարքներ, որոնք կ'օգնեն երեխային թափած խաղալիքները հաւաքելու:

– Որպեսզի երեխան չդժուարանայ իր սենեակը կոկելու եւ թափած խաղալիքները հաւաքելու, անոր սենեակին մէջ ստեղծենք որոշ յարմարութիւններ: Այսպէս, անոր տրամադրութեան տակ դնենք կերպրնկալէ կամ խաւաքարտէ խոշոր, խորունկ

տուփեր, որպէսզի ան, ըստ տեսակի, դիրքի եւ արագ հաւաքէ իր խաղալիքները:

Կարելի է տարբեր գոյնի արկղներու մէջ դասաւորել՝ գիրքերը, լեկոնները, փոքրիկ ինքնաշարժները եւ այլն...

– Որպէսզի երեխան չյուսահատի իր իսկ ստեղծած անկանոնութենէն, քանի մը խաղալիք միեւնոյն ատեն մէջտեղ չձգենք: Յատկապէս Կադանդէն եւ տարեդարձէն ետք ստացած խաղալիքներուն մէկ մասը վերցնենք, իսկ քանի մը հատը մէջտեղ ձգենք:

Փոխնիփոխ զանոնք վերցնելով ու մէջտեղ հանելով՝ նախ թափափած խաղալիքներուն թիւը կը պակսեցնենք, երկրորդ՝ ան առիթը կ'ունենայ խաղալիքները կարօտնալու:

– Օրինակ ծառայենք եւ երեխային ձեռք երկարենք, որպէսզի ան չյուսահատի: Կարելի է երկուքով այս աշխատանքը մրցում-խաղի վերածել, ձեւերը շատ են...



– Ծեծը, պատիժը կամ դրամական վարձատրութիւնը սխալ միջոցներ են երեխան դաստիարակելու: Պէտք է ձեւը գտնել համոզելու, որ սենեակը կոկելը, խաղալիքները հաւաքելը պատիժ կամ չարչարանք չէ, այլ՝ իր կեանքը դիրացնող անհրաժեշտութիւն մը:

Եթէ վարձատրութիւնը յարմար միջոց մը կը համարէք, այդ մէկը դրամական թող չըլլայ: Խոստացէք քնանալէն առաջ պատմութիւն մը պատմել եւ այլն...

WWW.HAYERNAYSOR.AM

Փոխուիլ՝ Դառնալու Համար Աւելի Լաւ

Կեանքը նոր էջէ մը սկսելու կարիք չկայ, բայց կարգ մը բաներ սրբագրելը կամ աւելցնելը սխալ չէ, ըսած է չին փիլիսոփայ մը...

Ահա՛, թէ ինչ կը թելադրէ ան.

- Ըրէք այն, ինչ երկար ժամանակէ ի վեր կը ցանկաք ընել, բայց չէք համարձակիր:
- Ձեր առջեւ նպատակներ դրէք եւ աշխատեցէք հասնիլ անոնց:
- Աւարտեցէք սկսուածը եւ երբէք մի՛ յանձնուիք:
- Մի՛ փորձէք փոխել այն, ինչը փոխել անհնարին է:
- Ձեր հոգիին հարազատ զբաղում մը գտէք:
- Փորձեցէք ամէն ինչ ընել ժամանակին, վաղուան բան մի՛ ձգէք:
- Եթէ դժգոհ էք ձեր գործէն, նորը գտէք:
- Ճիշդ ձեռով սնանեցէք եւ մարզանք ըրէք:
- Ժամանակ առ ժամանակ ուրախացուցէք դուք ձեզ:
- Որքան կրնաք, ճամբորդեցէք եւ նոր գիտելիքներ ամբարեցէք:



- Յարաբերեցէք ձեզի հաճելի անձերու հետ:
- Դուրս նետեցէք աւելորդ բաները ոչ միայն տունէն, այլեւ՝ գլուխէն:
- Դարձէք բնութեան ընկերը:
- Պզտիկ խնայողութիւն մը մէկ կողմ դրէք «սեւ օր»-ուան համար:
- Ներեցէք, յիսակալ մի՛ ըլլաք:
- Ականջ դրէք ձեր սրտի ձայնին:

ՃԱՇԿԵՐՈՅԹ ԾԱՂԿԱԶԱՐԴԻ ԱՌԻԹՈՎ

Հովանավորությամբ՝
Թեմիս բարեջան առաջնորդ

Գերայ. Տ. Մասիս Ծ. Վրդ. Զօպույեանի

Կազմակերպությամբ՝

Քուէթի Սրբոց Վարդանանց Եկեղեցւոյ
Եկեղեցասիրաց Տիկնանց Յանձնախումբի եւ
Թաղականութեան

Տեղի կ'ունենայ Ուրբաթ, 23 Մարտ 2018-ին, կէսօրուան ժամը 2:00-ին,
Movenpick (Freezone) պանդոկէն ներս:

Միրով եւ մեծ ուրախությամբ կը հրաւիրենք ձեզ միասնաբար հաճելի
ժամեր վայելելու:

Տոմսերը ապահովելու համար դիմել հետեւեալ անձերուն

Տիկ. Մակի Թադոյեան ---- 66172300

Տիար Գեորգ Տէմիրճեան ---- 96044776

Տիկ. Սօնա Սուազճեան --- 96661278

Տիար Խաչիկ Սուազճեան --- 66040800



www.kantsasar.com